



Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Prima Pars Et Prima Secundæ Divi Thomæ Complectvntvr -
Qvæstiones Insvper Ad Mores & praxim spectantes, quæ peculiarem cum
Scholasticis habent connexionem, declarantur

Carleton, Thomas Compton

Leodii, 1659

Sect. III. Duæ aliæ viæ explicandi locutionem Angelicam.

urn:nbn:de:hbz:466:1-13718

naturaliter tunc præbere concussum, & eum ad actum, quo signum illud in alio productum videtur, seu quod idem est, vocem ejus audiat, determinare.

VIII.
Locutione per characteres facile ostenditur quo pacto Angelus nisi inter se posse sint agnitiones.

In hac sententiâ salvatur facilè quomodo possit unus Angelus alium decipere, & aequivocationibus uti, aut etiam mentiri, quod difficile videtur universim in eorum republicâ negare, si essent in viâ, aut in purâ naturâ constituti, formando scilicet characteres significantes cum aliquid judicare, quod tamen verè non judicat, sicut homines scripto, aut voce ore prolatâ, sicutque aliud potest Angelus signis alteri, aliud mente sibi loqui.

SECTIO TERTIA.

Duae aliae viae explicandi locutionem Angelicam.

I.
Non satisfacit, quod dicunt aliqui, Angelos loqui, dicendi tantum se habeat velud concipere.

PATER Vasquez Disp. III. num. 65. Arrubal, dub. 171. & alii nonnulli Angelum asserunt, non alio modo de rebus loqui, quam dicendo se hoc vel illud mente concipere. Sed contrâ primò: hic enim non est modus, quo inter se colloqui, etiam homines solent: nec enim dicunt se hoc vel illud concipere, sed rem ita se habere, vel non habere, sicutque de rebus ipsis inter se loquuntur. Contrâ secundò: hac namque ratione quidquid Angelus circa res diceret, non mentiretur, in hac siquidem sententiâ, si diceret mundum fuisse ab æterno, solum diceret se hoc concipere, aut velle id alteri dicere, quod est verum. Alio ergo modo explicari debet locutio Angelica, præsertim ubi de rebus ipsis loquuntur, & non de conceptibus.

II.
Dicunt alii Angelum, vel actum intellectus, vel speciem in intellectu alterius producentem.

Scotus itaque in 2. disp. q. 2. duobus modis locutionem Angelicam declarat: Primò ait Angelum loqui alteri, notitiam objecti, quod ipse tunc cognoscit, in ejus intellectu producendo. Secundò intellectu ejus, quem alloquitur, saltem speciem impressam illius objecti imprimendo, per quam ipse deinde actum ejusdem objecti representativum per se elicit: quod etiam docet Suarez hic, lib. 2. cap. 27. & 28. qui tamen vult speciem illam, non à substantiâ vel intellectu Angeli loquentis, sed ab actu ipso intellectus, vel voluntatis, quem manifeste intendit, in intellectu audiens producit.

III.
Auditio est actus vitalis, sicut produs debet ab intrinseco.

Neutrum tamen ex his meo iudicio satisfacit: non primum, actio enim illa est actus vitalis; ergo naturaliter produci nequit ab extrinseco, quidquid sit de divina potentiâ; ergo Angelus loquens non potest eam efficere in audiens, ita ut hinc se habeat passivè. Quæ ratio multò magis urget, si actio ipsa ingrediatur rationem formalem actus vitalis: sic enim aperte constat non posse ipsum audire vitaliter, nisi per actum auditum à se productum.

IV.
Aliud quondam productione est de vitalibus, & non vitalibus.

Et per hoc constat, falsum esse quod ad probationem sue sententiæ afferat Scotus, nempe omne agens in actu primo sufficiens ad producendum effectum; quale, inquit, est intellectus informatus specie respectu intellectus, posse effectum illum in quolibet subjecto apto ad cum recipiendum producere. Hoc, inquam, esto plerumque verum sit, falsum tamen est in actibus vitalibus, quippe qui, vitales cùm sint, petunt non procedere, saltem naturaliter, nisi ab intrinseco.

V.
Non reā explicatur.

Nec etiam satisfacit secundum: nam præterquam quod concedi debeat actio in distans, cùm confiteratur dicitis allocutam fuisse Abrahamum di-

stantem, actio autem in distans, ne quidem in spiritu ritualibus concedi plerumque solct a philosophis: præter hoc, inquam, est quod non possint hi actus agere ex imperio voluntatis: hic enim operandi modus proprius est solius anima, vel substantia Angelicæ; imperium siquidem moveat, non per efficientiam, sed per informationem: unde si actus illi intellectus aut voluntatis producunt per se speciem sui in intellectu alterius, producere illam debent necessariò, sicutque secreta cordis, & actus quique liberi patebunt omnibus, saltem in sententiâ Suarez, qui positâ semel specie ait actum, cuius illa est species, posse connaturaliter cognosci.

Tandem hoc non est propria locutio: quando enim Angelus, aut actus voluntatis speciem aut notitiam lui, vel alterius objecti immediate in mente producit, manifestatur quidem objectum, non tamen est locutio, hac siquidem non est immediata manifestatio objecti, sed mediatâ, per voce scilicet loquentis, qua audita seu cognita dicit in cognitionem rei, per eam significata.

SECTIO QUARTA.

Modus loquendi per intellectum.

L
Oqui alteri, est per verbum, rem in eo, & per illud significatam alteri manifestare: unde quisquis per sermonem alterius rem aliquam percipit, sermonem ipsum & verba percipere debet, sive sermo ille & verba ad placitum significant, ut verba externa humana, & signa spiritualia Angelica. Sectione secundâ declarata, sive significant naturaliter, ut verba interna, seu actus intellectus hominum & Angelorum. Et nisi hoc dicatur nulla dari potest fides humana, vel Angelica: hæc enim non est immediata perceptio objecti in se, sed in voce aliqua alterius, & ob auctoritatem dicentis. Licet autem, si quis loquatur, & verba ipsius sive externa sive interna alii innotescant, possint hi vi illorum verborum rem per illa significatam cognoscere, non tamen dicitur quis alicui loqui, nisi sermonem suum ad illum aliquo modo dirigat.

Nonnulli itaque, ut Vasquez 1. parte, disp. 21. cap. II. Tannerus q. 4. d. 3. Granado tract. 5. d. 4. & multi ex recentioribus locutionem Angelicam consistere aiunt in cogitatione mentis ad alium directâ, ac proinde tum actum intellectus includit, tum voluntatis, hunc minus principaliter, per quem scilicet actus intellectus ad alium dirigatur, illum primariò, utpote quo, cùm verbum sit & locutio, & loquimur nobis, & hoc vel illud interius affirmamus, cùm verò manifestatur, loquimur alii, & ipsis etiam ea, quæ in mente habemus, variis modis, per modum scilicet imperii, petitionis, aut narrationis simplicis exprimimus, ut latè declarat Vasquez citatus num. 66. & Suarez lib. 2. cap. 28. num. 34. & 35. ubi locutionem Angelicam dividit in practicam & speculativam. Unde per quemcumque actum, quo quis loquitur sibi, potest loqui alii, si actus ad illos per voluntatem dirigatur, idque licet illi jam sit aliunde notus.

In hac autem ratione loquendi, inquiunt, Angeli non possunt inter se mentiri, cùm mentiri sit contra mentem ire, seu id alteri affirmare quod quis falsum purat: hoc autem præstare nequit Angelus, si per hujusmodi actum intellectus, & judicium à se elicatum loquatur: sic enim eidem rei assentiretur simul & dissentiretur. Quod ergo dicitur